

Konferensi Antaruniversiti Se-Borneo Kalimantan

72 Khamis 11/6/09 P.4



ABDUL HALIM ALI

(Kenyataan Akhbar Abdul Halim Ali, Mantan Kursi Nusantara Institusi Pengajian Asia Timur sempena Konferensi Antaruniversiti Se-Borneo Kalimantan Ke-4, bertemakan "Transformasi Sosial Masyarakat Pedesaan dan Pesisir Borneo-Kalimantan: Isu-isunya" yang akan diadakan pada 24-25 Jun 2008, di Universitas Mulawarman Samarinda, Kalimantan Timur, Indonesia.)

INSTITUT Pengajian Asia Timur, Universiti Malaysia Sarawak bersama-sama Universitas Tanjungpura Pontianak, Kalimantan Barat, Fakulti Sains Sosial, Universiti Malaysia Sarawak, Fakultas Ilmu Sosial dan Ilmu Politik, Universitas Lambung Mangkurat, Banjarmasin, Fakultas Perikanan dan Ilmu Kelautan, Universitas Mulawarman dan Sekolah Perniagaan & Ekonomi, Universiti Malaysia Sabah akan mengadakan konferensi antaruniversiti di Borneo kelima pada 16-17 Jun 2009 di Kota Kinabalu, Sabah.

Acara pembukaan dirasmikan oleh Naib Canselor, Universiti Malaysia Sabah.

Setelah ratusan tahun berkembang bersendirian menurut acuan yang ditentukan oleh kuasa penjajah masing-masing, maka sistem pendidikan di Brunei, Malaysia dan Indonesia berbeza-beza antara satu sama lain.

Turut terkesan daripada pengala-

man sejarah yang berbeza-beza itu adalah pada bidang pengetahuan.

Selain itu, di kalangan Indonesia, Brunei dan Malaysia, kita sering berinteraksi secara akademik dengan negara pilihan masing-masing, baik di Timur mahupun di Barat.

Namun, secara relatif interaksi kurang antara para sarjana Malaysia dengan Indonesia, malah dengan Brunei Darussalam.

Tema Konferensi Antaruniversiti Se Borneo-Kalimantan kelima ialah "Transformasi Sosial di Borneo-Kalimantan: Pengalaman Modernisasi"

Konferensi ini diadakan di Universiti Malaysia Sabah, Kota Kinabalu, Sabah pada 16-17 Jun 2009.

Konferensi ini bermaksud mempertemukan para sarjana di pulau ini yang telah, sedang, dan akan melaksanakan sebarang penelitian tentang masyarakat Borneo-Kalimantan dalam rangka dan konteks pembangunan di negara masing-masing.

Ketiga-tiga negara-bangsa Modern Malaysia, Indonesia dan Brunei Darussalam telah mengalami proses modernisasi dan juga mengalami kondisi yang terhasil daripadanya, iaitu kemodernan/modernitas.

Kedua-dua proses dan kondisi menjadi lebih rancak pada zaman pascakemerdekaan masing-masing negara-bangsa.

Sumbangan positif kemodernan/modernitas besar sekali dan hal tersebut tidak dapat disangkal.

Modernisasi/permodernan merupakan proses sosial menyeluruh termasuk industrialisasi yang melaluinya masyarakat agraria di ketiga-tiga negara bangsa tersebut berkembang, lalu menjadi masyarakat kontemporari seadanya.

Sesungguhnya pula, konsep modernisasi lebih luas daripada industrialisasi semata-mata kerana proses itu juga mencakupi bidang politik, budaya, ekonomi, sains dan teknologi.

Ringkasnya, modernitas/ kemodernan kelihatan pada prinsipnya satu gabungan harmonis antara pertimbangan sihat yang kritis (critical reasoning) dengan kebebasan individu serta tanggungjawab yang mengi-

ringinya.

Kelihatan juga keperihatinan kemodernan/modernitas kepada kemajuan sosial yang dimungkinkan oleh kemajuan ilmu pengetahuan (science), industrialisasi, dan demokrasi.

Namun begitu, sebalik sumbangan positif tersebut didapati juga beberapa ciri negatif daripada kemodernan/modernitas.

Ternyata sekarang, maksud konsep kemodernan/modernitas menjadi kurang wajar lagi, malah menyimpang daripada matlamat awalnya.

Penyimpangan keseluruhan kemodernan/modernitas termanifestasi dalam beberapa segi hidup.

Misalnya, nilai individu yang peribadi sifatnya diletakkan ditengah-tengah, lalu meminggirkan nilai awam dalam hubungan antarmanusia.

Telah juga terdapat kecenderungan sistematis ke arah pertimbangan ekonomi yang menggerhanakan unsur lain dalam kemajuan sosial.

Diamati bahawa logik persaingan/pertandingan (competition) mengatasi logik kewargaan dan kekompakan sosial, sementara pertimbangan sihat yang kritis (critical reasoning) diturunkan menjadi rasionalitas/rationality akuntansi/ perakaunan yang tentunya terarah kepada upaya penimbunan keuntungan.

Hal tersebut di atas dikatakan menjadi demikian justeru kerana yang menjadi kerangka peluasan kemodernan/modernitas itu adalah sistem kapitalisme.

Konferensi kelima ini juga bermaksud menilai kemajuan penelitian yang pernah dan sedang dilaksanakan oleh para ahli akademik di Borneo-Kalimantan dalam rangka transformasi sosial di tempat masing-masing.

Apakah pengalaman di Borneo-Kalimantan sejak kita melalui modernisasi?

Apakah kesan positif dan negatif daripadanya? Apakah transformasi sosial yang drastik daripadanya? Apakah dampaknya kepada norma sosial kita?

Bagaimanakah kita selesaikan ketegangan antara sekularisasi dengan agama? Apakah lembaga sosial

peribumi tidak lagi serasi dengan tuntutan lembaga moden?

Apakah kesan teknologi modern kepada warga banyak? Bagaimana-kah ditangani klaimtradisi dengan tuntutan moderniti?

Pada konferensi kelima ini, 97 kertas kerja dibahaskan. Kertas kerja adalah 31 dari Kalimantan, 67 dari Sabah, Sarawak dan Malaysia Semenanjung, manakala sembilan dari Brunei.

Konferensi antaruniversiti Borneo pertama diadakan di Universiti Malaysia Sarawak, Kota Samarahan pada 2005.

la disertai oleh 50 pembentang kertas kerja dari seluruh pulau Borneo.

Konferensi Kedua di universiti Tanjungpura, Pontianak disertai oleh semua propinsi Kalimantan, Brunei, Semenanjung Malaysia, Sarawak dan Sabah. Sejumlah 61 kertas kerja dibentangkan.

Konferensi ketiga yang diadakan di Kalimantan Selatan membahaskan 53 kertas kerja dan semua bahagian di Pulau Borneo diwakili.

Manakala konferensi keempat yang diadakan di Kalimantan Timur membahaskan 118 kertas kerja.